

Kommunit pillugit nassuiaat

(Nunamut Namminerlutik, Pinngortitamut Avatangiisinullu Naalakkersuisoq)

Saqqummiussissut

Nuannaarutigaa Naalakkersuisut sinnerlugit kommunit pillugit nassuiaataat saqqummiussinnaagakku.

Tamanit ilisimaneqartut kommunerujussuit pilersinneqarnissaat Aaqqissuusaanermut Isumalioqatigiissitat isumaliutissiissutaat 2005-imi saqqummiunneqartoq tunngavigalugu, tunngaviatigut uku pingaarnertut aalanjangiunneqarput:

1. Namminersorlutik Oqartussat pingaarnertut inatsisiliornermik suliassat aammalu kommuninik nakkutilliineq kisiisa sularisalertariaqarpaat, kommunillu pingaarnertut pisortat ingerlatsinermik suliassat sularisassallugit.
2. Iluarsaaqqiinnikkut innuttaasunik sullissineq pitsanngorsarneqassasoq, peqatigitillugulu pisortani nukissat sapinngisamik pitsaanerpaamik iluaqutigineqarnissaat qulakkeerneqassasoq.

Kommuninik nutaanik pilersitsineq Namminersorlutik Oqartussaniit kommuninut suliassanik amerlanerusunik nuussuinissamut tunngavissiivoq, taamaalillunilu aalajangiisarnerit innuttaasunut sullissinerup pitsaanerumik qaninnerusumillu ingerlanneqarnissaa qulakkeerneqaqullugu.

Naalakkersuisut qularutiginnilaat innuttaasut nammineerlutik najukkaminni apeqqutinik nunaqatigiinnilu ineriartortitsinermik siuarsaanissaminnut ilisimaarinninnerusut.

Taamaammat Naalakkersuisut kissaatigaat kommunit nammineerlutik ingerlatsinissaminnut annertunerusumik periarfissinneqassasut.

Pisortat suliassaqaarfianik aaqqissuusseqqinnerup marloqiusamik allaffissornerup annikillisarneqarnissaa aningaasaqarnikkut isumannaallisarsinnaajumallugu. Tamanna pisariaqarluinnarpoq nunap aningaasaqarniarnera qulakkeersimaneqassappat.

Taamaammat qulakkeerneqartariaqarpoq suliassat Namminersorlutik Oqartussat kommunillu akornanni isumannaatsumik akisussaassuseqartumik, siunertamullu naapertuuttumik aamma aningaasaqarnikkut tamanut kinguneqarnerusumik nuunneqartarnissaat qulakkeerneqassasut.

Maannakkut Namminersorlutik Oqartussat KANUKOKA-llu akornanni suliassanik nuussuinissat pillugit qaammatikkaartumik KANUKOKA ataatsimeeqatigineqartarpoq aaqqissuusseqqinnerup pitsaasumik ingerlanneqarnissaa qulakkeerniarlugu.

Taamaammat Naalakkersuisut naliliipput piffissanngortoq kommuninik aaqqissuusseqqinnerup manna tikillugu sunniutigisimasaanik "misissuissalluni" aaqqissuusseqqinnerup pisariaqartinneqartunik iluarsiivigineqartarnissaa siunertaralugu, taamatullu ilaatigut Naalakkersuisut kommunillu akornanni suliassanik nuussuiniarluni

suleriaqqiinissaq naalackersuinikkut oqallisigalugu – “aaqqissuusseqqinnerup aaqqissuunneqaqqinnissaa” eqqartoqqinneqartariaqartoq.

Naalackersuisut kissaatigaat nassuiaat manna atorlugu kommuninit Namminersorlutik Oqartussallu akornanni siunissami aaqqissuussaaneq qanoq issanersoq sunniuteqarnerpaamik ingerlanneqarnissaanut aqutissiuusseqataajumaartoq, suliassallu suut kommuninit piffissami qaninnermi ungasinnerusumilu suliarineqartalernissaat ersarissarneqarumaartoq, kiisalu kommunit ataasiakkaat sullissinerup qaffasissuseqarnissaa pillugu suut kissaatigineerat ilanngullugu ersarissisinneqassasut.

Nassuiaat tusarniaassutigineqareerpoq Naalackersuisut susassaqrifiinut, kommuninut KANUKOKA-mullu.

KANUKOKA-p kommunillu tusarniummut ataatsimoorlutik akissumminni innersuussutigaat aaqqissuusseqqinnerup suliarinerata ingerlateqqinnerani allaffissornikkut aqutsisussanik pilersitsisoqassasoq atorfilittanik inuttaqartumik aammalu politikkuq aqutsisussanik ilaasortaqaqtussamik..

KANUKOKA-p siunnersuutigaa politikikkut aqutsisussat ima inuttalerneqassasut, Naalackersuisut siulittaasuat, Nunamut Namminermut Naalackersuisoq, KANUKOKA-p siulittaasua kiisalu borgmesterit arlaannik. Siunnersuutigineqartoq Naalackersuisut isumaqatigaat aammalu tamatuma piviusunngortinnissaa isumagissallugu.

Naalackersuisut pingaartippaat kommunit Naalackersuisullu pitsaasumik suleqatigiinnissaat, taamaattumik Naalackersuisut aamma pingaartippaat tusarniaanermut kommuniniit KANUKOKA-miillu akissutigineqarsimasut suliap nanginnerani oqaloqatigiissutigineqarnissaanut ilanngunneqassasut.

Naalackersuisuni isumaqarpugut suliassaqrfinnik nussuineq kommunit KANUKOKA-lu paaseqatigalugit nutaamik piffissaliisoqartariaqartoq aammalu suliassat sorliit salliutinneqassanersut aalajangiunneqartariaqartoq.

Taamatut oqaaseqarlunga nassuiaat Inatsisartunut suliassanngortippara.